

goluhnami. Tanda ni tarimakasihnami, iondoskon hanami do hu-Bamu goluh pakon humbani pasu- pasu na binere-Mu in, na ipatumpu hanami on, gabe galangannami. Papansing anjaha pasu-pasu Ham ma on gabe galangan na misbou i lobei-Mu, bahen hasangapon pakon parrarat ni harajaon-Mu i dunia on. Sai tambahi Ham ma pasu-pasu-Mu janah sai lambin paganda Ham ma holong ni atei-Mu hubennami. Ajari Ham ma hanami, ase lambin igalangkon hanami dirinami pakon sinadongannami hubani harajaon-Mu bahen hasangapon-Mu, ibagas goran ni anak-Mu Jesus Kristus, Sipaluah hanami, Amen!

K : *(Mandodingkon doding galangan-Haleluya No. 249:2)*
Ganup binere-Mu in, tonduy pakon angkulangku
Hosah appa gogohkin ronsi haganup artangku
Huondoskon in Bamu , seng paosoronku in

P : Ham Bapanami na i nagori atas, sai na papansing ma goran-Mu. Sai roh ma harajaon-Mu. Sai saud ma harusuh ni uhur-Mu i nagori tengah on songon na i nagori atas. Bere Ham ma bannami sadari on hagoluhan ari-ari. Sasap Ham ma dousanami songon panasapnami bani dousa ni hasoman na mardousa dompak hanami, Ulang hanami bobai Ham hu parlajouan. Paluah Ham ma hanami humbani pangangou!

K : *(Manoruskon tonggo on marhitei na mandodingkon)*
Ai ham do simada harajaon, pakon hagogohon, ampa hasangapon,
sadokah ni dokahni. Amen.

P : Ambilan kon hanima ma Ambilan Na Madear in sagala na na Tinompa
Jalo hita ma pasu-pasu humbani Tuhan Naibatanta:
 Ipasu-pasu anjaha iparorot Tuhan Naibata ma hita. Isondangkon Tuhanta Naibata ma bohi-Ni hubanta janah maidop ma uhur-Ni mangidah hita. Idompakhon Tuhan Naibata ma bohi-Ni hubanta janah ipasorap ma damei-Ni bani tonduyta bei.

P+K : *(mandodingkon)* **Amen. Amen Amen!**



TERTIB ACARA KEBAKTIAN MINGGU
GKPS P.BULAN-RESORT POLONIA MEDAN
Minggu, 03 MEI 2020
Jubilate (Marsurak ma Bani Tuhan)



Live Streaming : www.gkpspadangbulan.com/tv
 Tata Ibadah : <http://www.gkpspadangbulan.com/tatib>

1. Votum – Introitus – Tonggo

P : **Riap ma hita jongjong!**
 : Ibagas goran ni Naibata Bapa, pakon Tuhan Jesus Kristus, ampa Tonduy Napansing, sitompa langit pakon tanoh on.

K : Amen!

P : Marolob-olob ma bani Naibata, nasiam ganup tanoh on. Dodingkon nasiam ma hamuliaon ni goran-Ni; sombahkon nasiam ma Bani puji-pujian namarmulia , haleluya.haleluya,haleluya.

P+K : Haleluya, haleluya, haleluya (idodingkon)

P : Martonggo ma hita: Ham Tuhan Jahowa, na dob pamonangkon hanami humbani kuasa ni sibolis pakon hamatean. Marolob-olob do hanami mamuji goran-Mu Na Pansing in.Banggal tumang do pambahenan-Mu, mambahen dihut hanami parsimada bani hamonangan-Mu janah panean bani hagoluhan na sadokah ni dokahni, Tonduy-Mu Na Pansing in ma na marmaloi hanami, ase lambin ididah hanami haluahon na hun Bamu janah totap hanami marhaporsayaon hu Bamu. Hu Bamu ma isombahkon hanami olob-olob ampa puji-pujiannami panorang on sonai homa sadokah goluh nami ,Amen, (hundul kuria)

2. Mandoding 402.Puji ma Naibatanta (1+2)

1. Puji ma Naibatanta bai ianan Na PansingNi in, Bai paratas hamuliaonNi in Haleluya, Haleluya Puji ma Naibata.

Pasangap ma goranNi halani pambahenanNi in, ampakon hagogohonNi in Haleluya, Haleluya pasangap Naibata

Reff: Pahata ma tarompit ge arbab pe, irandu pakon gondrang husapi pe
Irik homa sarunei ge sordam pe, sonai ampakon ogung marolol bei

Puji ma rumbuk ma baen parhata ni parugas in

Sombah ma marhiteihonni doding na lurlur ijin

2. Puji ma Naibatanta Sipargogoh na tarsulur in, Parsimada harajaon in Haleluya, Haleluya Puji ma Naibata

Pasangap ma goranNi, ale ganup na marhosah in, Ningon rup ma mamuji ijin Haleluya, Haleluya Pasangap Naibata

Reff:

3. *Hasasapan ni dousa*

P : **Riap ma hita jongjong!**

Martonggo ma hita, sopotkon hita ma dousanta hubani Tuhan Naibata!
Ham Tuhan Naibata, Bapanami na i nagori atas, paridop ni uhur mangidah hanami. Na roh do hanami jolma pardousa on hu lobei-Mu, mansopotkon dousanami na buei in. Hotop do hiranana hasoman, na mangarapkon pambahenan na madear humbannami. Gati homa do hanami lang parduli hubani hasoman janah gati hanami hurang sirsir manjalo pardearan humbani hasoman. Habasaron, halayakon Pakon lumbang ni uhur, gati lang jumpah bannami. Hurang sirsir mangarusi pikiran ni hasoman, parsahap pakon pambahenan nami gati paroh ringis ni hasoman, gati lang na madear ibahen hanami balos ni na lang madear na binahen ni hasoman dampak hanami . Hurang do hanami manonggohon hasoman nami. Hurang ringgas do hanami mangapohi halak na marpusok ni iuhur, patoguhkon halak na ibagas hagalekon pakon pandoleian, sonai age padan nami dampak Ham gati do lang isuhuni hanami. Halani ai ma ase roh hanami mansopotkon dousanami. Maidop ma uhur-Mu ibagas goluhnami, Ipangindo hanami on hu Bamu, ibagas goran ni Anak- Mu Jesus Kristus, Tuhan Sipaluah hanami.Amen

P : Tangar hita ma Hata ni Naibata, bagah-bagah pasal hasasapan ni dousa. Paridop ni uhur anjaha pardear layak do Jahowa, nanget manringis anjaha paridop ni uhur bangga. Seng ibahen hubanta romban hubani dousanta, anjaha seng ibalashon banta romban hubani hajahaton. Songon idop ni uhur ni bapa bani niombahni, sonai do idop ni uhur ni Jahowa bani sagala na manghabiari-Si. Hasangapon ma bani Naibata i babou.

K : Amen! (hundul kuria)

4. *Mandoding Mandoding 451. Sihol do Uhurhu(1+3)*

1. Sihol do uhurhu patimbulhon Ham Jahowa,
na pagoluhkon au pardousa
Sanggah na hudilo, goran-Mu lao mangurupi,
sirsir do Ham roh mambalosi
*Reff: Itogu Ham do, au humbai lombang bagas,
in ma ianan hagolapan
Sai boban Ham ma au hu nagoriatas,
ase tongtong marhasonangan*
3. Ham do patorsahon, pardalanan ni goluhku,
ase ulang ahu tarbador
Ham do parlingodan, dolog batu baen gantarhu,
ase boi au marmalas uhur
Reff.

5. *Haporsayaon*

P : **Riap ma hita jongjong!**

Saksihon hita ma haporsayaonta in, songon na sinaksihon ni haganup halak na porsaya bani sab tanoh on!

P+K : Ahu porsaya bani Naibata Bapa.....Amen! (hundul kuria)

6. *Mandoding 407. Puji ma Jahowa (1+2)*

1. Puji ma Jahowa Tuhan Naibata, ai marjumbalang do Goran-Ni in Haganupan jolma sai marsombah ma, sai hagoluhkon hata-Ni in Holsoh haganupan mambur, tubuh ma malasni uhur
Gok bai pangarapan holong na totap, rap mangolobkon Goran-Ni in
2. Ningon do marsombah bani Naibata, puji ma Ia pargogoh do in Ulang marnaloja sai irikkon ma, rap mambalosi hata-Ni in Holsoh haganupan mambur, tubuh ma malasni uhur
Gok bai pangarapan holong na totap, rap mandodingkon: Haleluya!

7. *Ambilan: 1 Kronika 16; 31-36 (Pdt.SA.Girsang)*

8. *Manggalang:*

P : (Roh ma na patumpuhon galangan hu lobei.)

Paima ipatumpu hita galanganta, tangar hita ma lobei Hata ni Naibata na gabe onjolan banta laho manggalang, aima na tarsurat bani:

1 Kronika 29:14: "Ai ise ma ahu, anjaha aha ma bangsangkin, ase boi hanami margugu humbani nionjar ni uhur sonin? Ai marharorohan humBamu do ganup, anjaha na humbani tangan-Mu in do na binerenami in Bamu."Sonari patumpu hita magalanganta.

497. *Holong ni Jesus Manggomgom*

1. Holong ni Jesus manggomgom ganup kuria, Na patotapkon hasadaonta in. Damei-Ni in ma manrahut paruhuranta, Idop ni uhur batar-batarta in Damei-Ni in ma manrahut paruhuranta, Idop ni uhur batar-batarta in.
3. Porsaya ma hita bani tonahni Ambilan, in ma Hatana-Ni Tuhanta Jesus in. Na sai mangarap bai Tuhan simada buah, jumpahan damei sonang totap ijin Na sai mangarap bai Tuhan simada buah, jumpahan damei sonang totap ijin

9. *Tonggo Galangan – Panutup- Pasu-pasu*

P : **Riap ma hita jongjong!**

Martonggo ma hita mangondoskon galanganta hubani Naibata!
Ham Tuhan Naibata, Simada hanami ronsi haganup goluhnami. Tarimakasih ma hatahononnamu hu-Bamu, halani iparmudu-mudu, iparorot, janah ipasu- pasu Ham do goluhnami. Ibare Ham do homa parhiouon, hajorgiton, sipanganon, pakon siinumon ronsi na porlu bani